

BOSNA I HERCEGOVINA
REPUBLIKA SRPSKA
OKRUŽNO JAVNO TUŽILAŠTVO U PRIJEDORU
Broj: T22 0 KT ... 23
Dana, 23.06.2026. godine

OSNOVNOM SUDU U KOZARSKOJ DUBICI
-Sudiji za prethodno saslušanje-

Na osnovu člana 43 stav 2 tačka z) i člana 241 stav 1 Zakona o krivičnom postupku RS („Sl. glasnik RS“ broj: 53/12, 91/17, 66/18 i 15/21, u daljem tekstu „ZKP RS“), podižem sljedeću:

OPTUŽNICU
protiv

P. J., zvanog „P...“, sina P. i majke M., djevojački B., rođen ... godine u H., SR Njemačka, nastanjen u K. D., ulica S. bb, oženjen, državljanin BiH-RS, po vlastitoj izjavi srednjeg imovnog stanja, pismen sa završenom osnovnom školom, po zanimanju radnik, vojsku služio u Vranju 1990 godine, neosuđivan, JMBG: ...

DA JE

Dana 27.07.2023. godine u vlastitoj porodičnoj kući u K. D., Ul. S. ... suprotno odredbama člana 7. stav 1. tačka 1) alineja 3. i 6., a u vezi sa članom 8. stav 2. tačka 1) Zakona o oružju i municiji RS („Sl. glasnik RS“ broj 26/16, 18/17, 31/18 i 58/19), svjestan svog djela i znajući da držanje takve vrste automatskog oružja i municije građanima uopšte nije dozvoljeno što je i htio neovlašteno držao automatsko oružje i vojnu municiju i to automatsku pušku Zastava M70 B1 fabričkog broja ... sa pripadajućim okvirom u kojem se nalazi 30 metaka kalibra 7,62x39mm, tri prazna okvira za automatsku pušku, 1 okvir sa sedam pancirnih metaka kalibra 7,62x39mm, 4 metka kalibra 7,62x39mm i jedan okvir u kome se nalazi 30 metaka kalibra 7,62x39mm.

Dakle, neovlašteno držao oružje i municiju, čije držanje građanima uopšte nije dozvoljeno.

Čime bi počinio krivično djelo „Nedozvoljena proizvodnja i promet oružja ili eksplozivnih materija“ iz člana 361. stav 1. Krivičnog zakonika Republike Srpske. („Sl. glasnik RS“ broj: 64/17, 104/18 - odluka US, 15/21, 89/21 i 73/23, u daljem tekstu KZ RS)

OKRUŽNI JAVNI TUŽILAC

Napomena: „Podizanje optužnice protiv određene osobe ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom sudskom presudom ne utvrdi njegova krivica“